

# Ajla Crnkić, diplomirani pravnik - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Ajla Crnkić, diplomirani pravnik
Naziv Teme	Prorogacija međunarodne nadležnosti u građanskim i trgovačkim predmetima u Evropskoj uniji i Bosni i Hercegovini
Rezime/Abstract	<p>Završni magistarski rad kandidata Ajle Crnkić, diplomiranog pravnika, pod naslovom „Prorogacija međunarodne nadležnosti u građanskim i trgovačkim predmetima u Evropskoj uniji i Bosni i Hercegovini” ima sadržaj, zaključak i popis literature. Sastoji se od 85 stranica A4 formata od čega se 78 stranica odnose na glavni tekst, a preostalih 7 stranica na popis korištene literature. Prilikom izrade završnog magistarskog rada korišten je prored 1,5, font „Times New Roman” i veličina slova 12. Od literature je korišteno 96 bibliografskih jedinica (knjige, priručnici, članci, studije, pravni akti, internet izvori i sudska praksa). Sastoji se od osam dijelova. U uvodnom dijelu rada navedeni su razlozi i motivi koji su opredijelili naučno istraživanje u skladu sa predloženom temom. Precizno formulisanim pitanjima određen je predmet istraživanja, koji proizilazi iz samog problema istraživanja, a zatim definisana i generalna (temeljna) hipoteza, kao najznačajniji dio ukupnog procesa istraživanja, zajedno sa pomoćnim (razrađujućim) hipotezama. Kao neizostavni dio istraživačkog rada, određeni su i ciljevi istraživanja, te su prikazane korištene metode i dosadašnja istraživanja. Istraživanje je usmjereno na legislativne aspekte ove materije, s akcentom na prorogaciju međunarodne nadležnosti u građanskim i trgovačkim predmetima. Najvažniji cilj predmetnog istraživanja je teorijski predočiti pravnu regulaciju prorogacionih sporazuma u zakonodavstvu u BiH i EU. Nakon uvodnog dijela u kome je prikazana metodologija izrade magistarskog rada, u prvom dijelu završnog magistarskog rada, pod nazivom “Teorijski aspekti prorogacije međunarodne nadležnosti”, definisan je pojam prorogacionih sporazuma, predstavljeno je opće shvatanje pravne prirode prorogacionih sporazuma, te kakvi su učinci ugovora o prorogaciji međunarodne nadležnosti. U drugom dijelu završnog magistarskog rada, pod nazivom „Pravna regulacija prorogacionih sporazuma u zakonodavstvu u Bosni i Hercegovini” analizirane su relevantne odredbe Zakona o rješavanju sukoba zakona sa propisima drugih zemalja u određenim odnosima. U trećem dijelu završnog magistarskog rada, pod nazivom “Primjeri prorogacije međunarodne nadležnosti u praksi sudova u Bosni i Hercegovini” prezentovan je stav Kantonalnog suda u Tuzli, zauzet u Presudi broj: 03 0 Ps 004338 08 Pž i Presudi broj: 32 0 P 052782 11 Gž, a koji se odnosi na prigovor nenadležnosti postupajućeg suda. U četvrtom dijelu rada pod nazivom „Pravna regulacija prorogacije međunarodne nadležnosti prema Uredbi broj 1215/2012 od 12.12.2012.godine”, izvršena je analiza međunarodnog instrumenta Evropske Unije, Uredbe broj 1215/2012 o nadležnosti, priznanju i izvršenju sudskih odluka u građanskim i trgovačkim stvarima. U petom dijelu rada pod nazivom „Prikaz problema odlučivanja o nadležnosti izabranog suda u slučaju postojanja litispendencije kroz praktične primjere Evropskog suda pravde”, predstavljena je praksa Evropskog suda pravde u predmetima Gasser i West Tankers, a koja je vezana za situaciju kada postoji prorogacioni sporazum, a postupak se prvo pokrene pred nekim drugim sudom, a ne onim koji je sporazumom izabran kao isključivo nadležan. U šestom dijelu rada pod nazivom „Prorogacija međunarodne nadležnosti prema odredbama Haške konvencije o sporazumima o izboru nadležnog suda”, izvršena je analiza Haške konvencije o sporazumima o izboru nadležnog suda, a sve vezano za materiju prorogacije nadležnosti. U sedmom dijelu magistarskog rada pod nazivom „Obaveze usklađivanja zakonodavstva u Bosni i Hercegovini sa ACQUIS COMMUNAUTAIRE”, izvršeno je poređenje pravila o prorogaciji međunarodne nadležnosti sadržanih u Zakonu o rješavanju sukoba zakona sa propisima drugih zemalja u određenim odnosima sa odgovarajućim odredbama propisa prava EU na snazi i Haškoj konvenciji o sporazumima o izboru nadležnog suda. U osmom dijelu magistarskog rada pod nazivom „Prijedlozi de lege ferenda”, došlo se do zaključka da oblast međunarodnog privatnog prava u BiH mora biti podvrgnuta reformama, a koje se odnose na usklađivanje domaćih pravila koja uređuju oblast međunarodnog privatnog prava sa aktima prava EU na snazi, te dati su prijedlozi reforme.</p>
Datum	19.09.2018
Predsjednik	Dr sc. Mirela Čokić-Džinić, docent, Uža naučna oblast „Građansko-pravna”, Pravni fakultet Univerziteta u Tuzli
Mentor	Dr sc. Jasmina Alihodžić, vanredni profesor, Uža naučna oblast „Građansko-pravna”, Pravni fakultet Univerziteta u Tuzli
Član komisije	Dr sc. Boris Krešić, vanredni profesor, Uža naučna oblast „Građansko-pravna”, Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 19.09.2018. godine sa početkom u 14,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.